



Oz è il Di internaziunal da la matematica



4
3
1
2

MARS

text: Charitina Josty, illustraziun: Yvonne Gienal,
grafica: Theres Jäger, fotografia: Jörgen-Staubs
zambregidà: Johanna Berthel
© Lia Rumantscha

KIDSFITSCH
Lia Rumantscha

 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Il Di internaziunal da la matematica

En scola emprendas ti che matematica è dumbrar e far quints. Per exempel plus e minus. En il rom matematica emprendas ti era da mesirar e da plazzar u disegnar musters, forsa perfin cun furmas geometricas sco per exempel trianguls e quadrats. Matematica na datti però betg mo en scola. Sch'ins guarda bain, lura ves'ins dapertut matematica. Vesas ti en tes mintgadi dumbers, musters e furmas? Gea, quai è matematica. La matematica è impurtanta per nosssa vita. E perquai datti il Di internaziunal da la matematica. Quel datti pir dapi il 2020, cura che las Naziuns Unidas han decis da far mintg'onn in tal di. La matematica ans gida a chapir il mund ed ella ans gida a crear chausas. En la tecnica dovr'ins la matematica per construir maschinas, sco per exempel computers, autos u aviuns. Ma er en la natira chatt'ins matematica! Ina puscha da pign consista per


exempel da spiralas – spiralas èn in muster matematic. Ed era sin las alas da las tgirallas hai bliers pitschens musters ch'èn fitg regulars e matematicamain exacts.

Qua in pèr exempels, nua che ti scuntras uschiglio anc la matematica: Sche ti fas ina petta, stos ti pasar las ingredienzas.

Sche ti mettas maisa, stos ti studegiar quants plats, quantas furtgettas, quants cuntels e quants tschaduns ch'i dovra.

Sche ti vuls parter tia marena cun tes cumpogns, per exempel in mail, stos ti studegiar en quantas parts che ti has da tagliar el.

Era gieus han savens da far cun matematica. E cun la matematica san ins giugar! Il motto dal Di da la matematica 2024 ha perquai era num «Nus giugain cun la matematica»!







Ponderescha:
Tge datti 1 giada?
Tge datti 2 giadas?
Tge datti 3/4/5/6/... /1000 giadas?
Tge datti 1 milliun giadas?

Gieu da dumbers

1

- 1 Malegia 10 quadrets cun mintgama in dumber dad 1 enfin 10 sin il catram.
- 2 Tschertga puschas da pign u crappa e metta en mintga quadret la quantidad correspondententa.

Sche ti fas il gieu a chasa, sas ti prender buttuns, cullinas da vaider, maruns, viertgels da buttiglias u auters pitschens objects.



Stgatla da quintar

2

Ti dovras:

- ina stgatla da zulprins gronda
- in toc chartun

- curals da lain, pitschens craps u auters pitschens objects
- material per decorar la stgatla



- 1 Taglia or dad in toc chartun ina pitschna spartida ch'è in pau pli gronda ch'ina mesa vart curta da la stgatla. Tatga la spartida en la stgatla, circa entamez.
- 2 Decorescha la stgatla tenor tes gust. Forsa vuls ti decorar tia stgatla cun tes dumber preferì? U has in'otra idea?

Ussa quinta:

- Metta tschintg curals en la stgatla e scurlatta ella.
- Avra la stgatla enfin a la spartida. Guarda che la spartida è da la vart che mussa cunter tai (sut).
- Emprova ussa da quintar: Quants curals vesas ti? Sche ti has mess tschintg curals en la stgatla, quants sa chattan da l'otra vart da la spartida?
- Has gì raschun? Sche gea, metta anc in cural en la stgatla. Fa quest pass enfin ch'i vegn stoda grev! Sch'igl è memia grev, prenda or in cural ed emprova anc ina giada.

1



2

